

Mawlana Shaykh Muhammad Adil ar-Rabbani

ALLAH ﷻ KO JANNA TUMHARI ZIMMEDARI HAIN

*As-Salāmu ‘Alaykum wa RahmatuLlāhi wa Barakātuh.
A‘ūdhu BiLlāhi Minash-shayṭāni r-raġīm. Bismillāhi r-Raḥmāni r-Raḥīm.
Wa ṣ-Salātu wa s-Salāmu ‘alā Rasūlinā Muḥammadin Sayyidi l-Anwālina wa l-Akhirin.
Madad yā RasūlAllāh, Madad yā Sādāti Aṣḥābi Rasūlillāh, Madad yā Mashāyikhinā,
Dastūr Mawlana Sheikh Abdullāh al-Fā’iz ad-Dāghistāni, Sheikh Muḥammad Nāẓim
al-Ḥaqqāni. Madad. Tarīqatunā aṣ-Ṣuḥbah wa l-Khayru fi l-Jam‘iyyah.*

Hum Allah ﷻ ka shukr adaa kar rahe hain. Alhamdulillah wa Shukrullillah. Hum dobara mil rahe hain. Allah ‘Azza wa Jalla humein har cheez mein madad deta hai. Har saans, har pal, har lamha, Allah ‘Azza wa Jalla humare saath hai. Hum ko yeh jaanna chahiye aur iss par Us ﷻ ka shukr adaa karna chahiye.

Bahot se log, jaahil log, yeh nahi jaante ke kya achha hai, aur kya bura hain. Aam taur par jo yeh nahi jaanta unke paas aql nahi; woh zimmedar nahi. Aur yeh log paagal khane mein hote hain. Lekin zyadatar log aise hi hain. Yeh woh paagal nahi jaise asal paagal khane walay, jo zimmedar nahi. Yeh log zimmedar hain kyunke woh sab jaante hain. Woh madrase mein jaate hain, taleem dete hain, kaam karte hain, karobaar karte hain, sab kuch. Woh jaante hain. Lekin jab Us ﷻ ka shukr adaa karne ki baat aati hai, phir woh yeh nahi jaante. Yeh un logo ke liye achha nahi jo aisa karte hain ya kar rahe hain. Iska matlab zindagi be-maqsad hai, janwaron jaisi zindagi.

Janwar bhi apne Paida karne wale ko jaante hain aur Us ﷻ ki tasbeeh karte hain. Har cheez, “وَإِنْ مِنْ شَيْءٍ إِلَّا يُسَبِّحُ بِحَمْدِهِ”, “Wa 'In Min Shay'in 'Illā Yusabbiḥu Biḥamdihi”, “Aur koi cheez aisi nahi jo Allah ki hamd ke saath [Allah] ki tasbeeh na karti ho.” (Quran 17:44). Sadaqa Llahu l-Azīm. Allah ﷻ farmata hai, har cheez Allah ﷻ ka zikr karti hai aur Us ﷻ ko jaanti hai, mangti hai aur shukr adaa karti hai Allah ‘Azza wa Jalla ka. Sirf yeh log jo yeh nahi jaante, woh iss makhlooq se bhi badtar hain. Yeh makhlooq, Allah ﷻ ne paida ki hai aur woh hai; har cheez, pathhar bhi, paani bhi, darakht bhi – har cheez Allah ‘Azza wa Jalla ki hamd karti hai. Allah ﷻ ne un mein yeh ilm daala hai ke apne Khaliq (paida karne wale) ko jaanein. Jab tum apne Khaliq ko nahi jaante, phir woh tum se behtar hain.

Mawlana Shaykh Muhammad Adil ar-Rabbani

To hoshiyar raho! Har cheez mein, tumhein aitraaz nahi karna chahiye ya naraaz nahi hona chahiye. Tumhein khush hona chahiye kyunke Allahﷻ ne yeh tumhare liye diya hai, tumhein yeh ilm diya hai ke Usﷻ ko jaano. Bahot se log kuch karte hain bina sochay ke kya hoga. Allahﷻ humein ilm wale bana de, Usﷻ ko jaanne wala, jo Usﷻ ne diya usay qubool karne wala aur in sab cheezon ke liye shukr ada karne wala banayein.

Wa min Allāhi t-Tawfīq. Al-Fātiḥa.

Mawlana Sheikh Muhammad Adil ar-Rabbani
22 January 2026/ 03 Sha'ban 1447
Fajr Namaaz– Sheikh Nazim Dergah;
London, UK